

光緒吉林通志

吉林通志卷二十五

輿地志十三

解署

吉林將軍署在上儀街北康熙十五年建大堂五楹  
招橋作七楹後爲穿堂恭懸

高宗御書天江鎖鑰扁額又後爲漢科房暨承辦處將東有  
角門門內爲印務處檔房堂之東西室爲軍器庫銀  
庫前月臺廣二丈二尺袤五丈九尺臺下爲甬道左  
兵司刑司右戶司工司前儀門門東土地祠一楹及  
糧餉處前鋒營房烏槍營房西爲水師營房虎槍營  
房番役聽差房外大門三楹八旗聽事房共十六楹

署西北隅獄神祠一間獄官房三間大獄行獄房共  
二十間板牆續之照壁一座乾隆七年二十年二十  
二年迭次修葺五十七年火災圍牆改用甃石重修  
檔案道光十年重修穿堂十五年重修大堂暨月臺  
十七十九等年修儀門照壁光緒八年將軍銘安並  
加葺治捐

將軍府在上儀街南前臨松花江岸土人相傳云康

熙年間

東巡建爲

行宮後

賜爲將軍府莫知其詳也乾隆十八年重修十九年八月甲寅

上駐蹕吉林以將軍署爲

行殿至丙辰皆如之

九朝東華錄十三 謹按府中有太和宮疑所謂署者卽屬府第

吉林外紀亦稱府曰署 盛京通志有公署而無府註內卽載 駐蹕事當是誤合爲一耳

三十年火災三十五年重建屋未具以後繕葺無考光緒十六年悉燬於火將軍長順重建大堂五楹後一室曰

太和宮五楹東西並有翼室爲恭奉

神御之所避不敢居又後屋七楹以居幕賓翼室共六楹堂

左右爲文武巡捕廳堂下東偏爲官廳西書記室前  
儀門門左右房爲督辦文案處又前大門榜曰將軍  
府東爲邊防營再東爲吉勝營西爲發審局辦案處  
由大門折而西卽發審局員聽事之所稍後有官廳  
三楹其西偏爲六科房界以板垣內爲花廳七楹北  
向南爲客廳五楹介其閒西向之室三楹內室五楹  
在客廳後東西廂各三楹府東南隅有大土阜並廟  
三楹合祀羣神之所馬廐車棚庖廚更房之屬畢具  
東西轅門各一障以照壁門東偏舊有瞰江樓數楹  
頗擅登眺之勝壁上題詠殆徧今未修復

謹案東三省定制將軍衙門略如京都爲堂屬治  
事公所事畢各散故將軍及各城副都統各有署  
有府惟吉林副都統無專署其所居府卽署也拜  
發本摺則率各司文武屬員齊集於將軍衙門云  
今將軍府乾隆甲戌丙辰

高宗兩次東巡皆

駐蹕於此故堂後正室猶避不敢居然百餘年來屢燬於火  
蓋久非其舊矣

劉綸恭和

御製駐蹕吉林將軍署復得詩三首原韻  
巒腰雨過抹煙輕

江面風來皺縠生

蹕路牙旗初避曉

和門畫鼓已知晴  
鑾筒比戶覩遺俗  
梯板通衢效眾情

開代發祥多勝蹟  
山川擁衛盡輸誠  
宋瓦金源溯舊流

龍興締造鞏

皇州鳴鑼聲度紅橋外  
列戟光分碧嶂頭  
箕畢星文垂

大野關河灝氣發  
深秋橫汾那足傳  
遺範攬勝應教

倚柁樓 鈴轅聽放

紫宸衙

茂興先閱道路誇問省

登閣時正永瞻依

松棟制宵奢

陸陳七德觀

型遠

筵遠頭行報禮嘉

聲域信符仁壽卜雲根有草挺三極

盛京通志一百二十三

汪由敦前題詩三首萬家山郭霽煙輕  
翫爽涼颺習習生地以鍾英開勝境天因留

蹕快新晴迎

鑾近效權呼意與宅遐思



眷顧情

天作高山應望秩清齋先日致虔誠  
澄江如練帶清流載

毫當年第一州節帥戟戟開畫裏水虞漁艇聚沙頭

千門燈火通深夜原註街市居人門外懸燈率至竟夜萬樹丹黃綯素

秋衙術自來皆藉板愛聽履響似登樓

神堯過沛駐新衙八十年來更可誇繁息閭閻樂休養流遺

風俗異浮奢銀鱗出網均分

賜寶硯鏤銘拜舊嘉原註松花石硯材最佳曾蒙恩賜信是物華多異產

豐貂珠蚌草三極同

吉林分巡道署在會城東隅通天街光緒九年分巡

道顧肇熙初建中南向爲大堂堂之右爲庫

今改爲佐貳官

廳左爲官廳巡道訥欽撰官箴勒石陷之壁並參真

文忠詩刻木爲楹聯詞曰此邦猶有邠風古我輩當  
爲漢吏循其外爲露臺下屬甬道東西列吏戶禮兵  
刑工科房前爲儀門門外西偏爲卑役房東偏快役  
房再東爲廄又前爲大門榜曰吉林分巡道直大門  
爲照壁左右爲東西轅門大堂內二堂三楹額曰敬  
簡堂編修楊文瑩書並跋壁間有顧肇熙題名記左  
右翼室各三楹堂之下有門東出而北廚房三楹倉  
房六楹圍以板垣皆西向其南有樓三楹亦西向樓

上東向之門額曰迎暉西向之門額曰挹爽聯曰白  
雲忽去山在戶紅日乍晴人倚欄明卓敬詩也樓之  
西科神祠一楹南向以土神馬神合祀堂之下西出  
重門二廳事五楹南向爲晉接賓僚之所額曰翫留  
軒訥欽揭何紹基書以名之者也其南屋五楹北向  
南北之間有屋三楹東向重門之間北行而西有室  
前後各五楹皆南向直翫留軒後翫留軒之西西出  
之門一外爲蔬圃方廣數十畝圍以板垣圃東北板  
屋一間爲箭廳春秋習射於此二堂之後爲宅門門  
內南向室七楹東西廂房各三楹周回磚牆繚之

顧肇熙敬簡堂題名記官廨之有題名石自唐以來  
尙已此豈僅鐫其爵里姓氏俾毋泯沒哉亦欲後之  
人以時考其政之失得而知其官之賢否蓋勸懲之  
義實寓焉

國家龍興茲土入關定鼎凡守土之官多仍明代之舊  
吉林亦嘗設州縣矣未幾改罷爲理事同知通判迨  
光緒七八年間始次第設地方官此諸行省府一曰  
吉林廳五曰伯都訥曰賓州曰五常曰長春曰雙城  
州一曰伊通縣一曰敦化而以分巡道轄之肇熙適  
承乏首爲此官職在考察羣吏政教之宜民與否課

其殿最以告於鎮守將軍而進退之地方千數百里  
民風土俗不齊府廳州縣之官寬猛張弛或異其用  
苟非因地因人隨時隨事以審其宜則是非毀譽易  
致殺亂立一法本爲興利也而斯民或承其弊後之  
人追議其失必曰自某某始詎非官斯土者之羞乎  
夫今之巡道循唐之觀察使也唐時每患觀察使賦  
稅苛急使刺史縣令不得其職不安其官今吉林以  
邵邠舊封賦稅輕於各行省數倍十數倍不等有司  
無苛急之患而澤猶不逮於民無乃察吏之法有未  
至歟然如呂叔簡氏所謂中怯外柔者固肇熙所懸

爲大戒者也耳。臣或有所未周思慮，或有所未及要，不敢不推誠心布公道，疏節闊目，俾有司得優游敷布，撫循斯民，以仰副

聖天子建官圖治之意。斯則肇熙之迂疏，後之君子宜有曲原之者，識之於石，亦時以自勉焉爾。

訥欽璽留軒跋曰：右三字何子貞編修所書也。余以辛卯四月承乏吉林，始入居此署，功令三年任滿送部引

見請

旨升調，不回本任，然則余之處此亦璽也。顧虞書以三載

考績周官三年大計羣吏之治而賈琮爲交州刺史  
在事三年爲十三州最雖慙也亦豈不足以修舉廢  
墜興起教化也哉夫君子之用心無所苟而已矣假  
令玩歲愒日如趙孟之視蔭雖久猶慙也如叔孫昭  
子所居雖一日必葺其牆屋去如始至雖慙亦久也  
陸幼節與諸葛恪換屯臨去更皆繕完恪入屯儼然  
若新張伯恭爲庾亮都督臨當代統攝不懈馬忠因  
其成基遂平南土彼其臨代之際惓惓如此豈肯於  
莅官之始而傳舍視之者乎編修書此或寓達觀之  
意余喜其與三年一代者之適相合而用意有不同

者故揭之而識其後以自勉冀不見棄於君子云爾  
又屬官廳事官箴並序曰古循良吏教化爲先馬班  
所紀有以丞相而儕於守令者從所重也晉宋而後  
唯取一節之善持廉而能聽訟者皆入於此故循良  
之選難於古而易於今方之饑渴飲食吉林尤易之  
易者也余以中材觀察茲土所以與同人相勸勉者  
亦唯先從事於易而徐及乎古之所難爰製是箴以  
述己志昔楊子雲十二州箴崔亭伯挈仲洽之官箴  
皆以規人無與於己故陳義甚高而自治之道闕焉  
愚以爲若涉大水茫無津涯有同舟之誼者其誰不



念用是蘄吾儕交勉而先以自警云其箴曰建官位  
事所以乂民民安其政是曰能仁矧是舊邦邠岐之  
宇王迹肇基風氣猶古爲政何先惟廉惟勤豈余儻  
言曾公之云廉則人服勤無廢事不廢而服其何不  
濟柳子有言官爲民役受其值而怠其事愧慙斯積  
張湯私吏梗湯鬻獄脅其財而臨其上有覲面目天  
雞唱曉日生於東朝氣一振清明在躬物來順應無  
欲則公公實生明衡平鑒空日廢一事數日則夥夫  
幾如是而不叢脞漏脯充饑鳩酒止渴豈不暫飽陷  
文不活吏道多端茲焉首基順是以往知至至之身

教者從言教者訟本余心之所勉以爲矇誦

吉林府知府署在城內西北隅故永吉州治所雍正

六年建

盛京舊志

乾隆十二年改曰吉林廳光緒八年

將軍銘安奏升府治並重修

冊報

中爲大堂次爲廳事

又次爲內室堂後有東西廂其傍各有小門一出西

小門爲二堂四楹額曰職思其居聯曰寬猛皆偏持

正但循三尺法郊原何遠此閒能釀萬家春皆署知

府謝汝欽所撰也後有室亦四楹板垣圍之二堂西

有小門門外構板閣數楹其下鑿小池老樹十餘株

周遭環列又西南數十武書室凡九楹循大堂後東

出之門爲廚房爲廩最東爲馬神廟堂之左右設六  
科房前儀門又前大門直大門爲照牆東西轅門各  
一循儀門而東爲土地祠三楹祠後有屋十餘楹前  
有翼室二儀門之西南隅監獄一所

國冊

府經歷署在府治東故爲吏目署雍正六年建

京盛舊

志嗣改升巡檢光緒八年改升府經歷重加修葺大

堂三楹東爲班房迤南有廩西爲科房二堂三楹東

西俱有翼室內室三楹二門大門並如制

冊圖

伊通州知州署在城西北隅光緒九年建大堂三楹  
堂東西爲六科房二堂五楹廂房共六楹西院書室

三楹其北廳事五楹東院爲廩爲庖廚過二堂爲宅門最後內室五楹外爲大門榜曰伊通州左右翼室各三楹直大門爲照牆西卽吏目署

圖冊

吏目署在州治西舊爲分防巡檢署同治四年燬於寇七年巡檢丁金源重修

捐

光緒七年改建十五年

吏目姚景星重修署外東偏監獄一所

圖說

磨盤山分防州同署在州城迤南百六十里磨盤山光緒八年設巡檢治之十六年改升州同並建官廨

冊報

敦化縣知縣署在城東門內大街路北光緒六年建

治廨舍都七十餘楹

冊報

巡檢管典史事署在縣治西光緒六年建監獄在署

前捕盜營在獄西

圖冊

武衙門基在城南門內官職建廢無考

同上

長春府知府署在城中故通判治所嘉慶五年於長

春堡建署道光五年移治寬城光緒十五年改升府

並加修葺大堂三楹兩廊各五楹爲六科房二堂三

楹內室五楹前後並有翼室西院廳事三楹前五楹

爲書室東院爲馬廄二門大門各三楹照壁南向監

獄一所在大門西偏道光五年建光緒十二年重修

冊報

府經歷署在府治西故以居巡檢道光五年建光緒十五年改升府經歷因增葺之大堂三楹東廂爲科房西廂爲弓兵班房二堂內宅俱五楹東西廂各三楹二門大門照壁咸具

同上

靠山屯分防照磨署

朱家城照磨署未建

農安縣知縣署在城內西北隅光緒十六年知縣黎尹融營建大堂五楹東西設科房六二門大門各三楹二堂五楹額曰具瞻堂黎尹融書翼室共六楹內

室五楹西廂三楹二堂之東爲廳事其南有庖廚有  
廩又南爲衙神祠迤西爲書室三楹廂房三楹又西  
南爲獄獄之後爲捕盜營

冊報

巡檢署在縣治西舊爲分防照磨署光緒十六年改  
設重建廡舍凡二十餘楹

同上

伯都訥廳撫民同知署舊在新城光緒六年移建孤  
榆樹屯西門內大堂三楹兩廊設科房六二堂五楹  
東西廂各三楹後爲三堂又後爲內室儀門一楹門  
左右班房共六楹東南隅有土地祠大門照牆如制  
循二堂之西有門門內爲廳事前卽監獄

冊報

巡檢署在廳治西大堂三楹二堂內室俱三楹科房

一楹二門大門各一楹

同上

分防巡檢署在新城西門內嘉慶十五年建大堂三楹內室三楹科房三楹二門大門各一楹

圖冊

賓州廳撫民同知署光緒六年建中爲大堂次二堂東西廂各三楹次內室廂房亦如之大堂下屬甬道東廊爲阜班房暨吏戶禮科房西爲徵租處暨兵刑工科房前儀門門西北爲巡司大門東院書室七楹東廂爲庖廚迤北爲衙神祠西院房五楹捕盜營房三楹俱南向外委房五楹東向前監獄又前卽巡檢



署大門照牆如制

冊報

巡檢署光緒六年建在廳治西院內室五楹東西並有翼室大堂三楹東廂爲科房又東爲書室西廂爲班房大門在廳治儀門外

圖冊

分防巡檢署在瑪琏河亦曰燒鍋甸子光緒六年建五常廳撫民同知署在城內西北隅光緒六年建大堂三楹二堂如之三堂五楹過三堂爲宅門直其後內室五楹翼室共六楹分東西向大堂後東爲門丁房西爲火藥庫堂左右設科房六前儀門門東南隅爲衙神樓又折而東爲捕盜營房外委住宅大門三

楹榜曰五常廳照牆南向廩庫庖廚之所畢具冊報

巡檢管司獄事署在廳治內迤西大堂三楹後有內室傍有客廳有庖廚外有科房及班房監獄十間女監五間在儀門外同上

山河屯經歷署在城南五十里山河屯街光緒十二年建同上

蘭彩橋巡檢署在城東九十里蘭彩橋街東北光緒八年建同上

雙城廳撫民通判署與協領同城在城南門內故八旗總管署後廢光緒七年通判陳治改建大堂三楹

堂後有銀庫二二堂五楹內室如之東西並有翼室  
循二堂之東有角門一門外爲廳事爲幕賓室廂房  
六楹分東西向又其南爲廚房爲廐西院爲捕盜營  
房其出入之門署後北向大堂下屬甬道左右分設  
六科房前儀門又前大門東偏有衙神祠一楹障以

影壁

冊報

巡檢署在廳治西大門一楹大堂三楹內室三楹前  
後廂房都十二楹署前監獄一所

同上

分防巡檢署在拉林河城東

同上

吉林副都統府

按各城副都統俱有署有府吉林副都統獨無專署其所居曰府者建之

於官實私第也

盛京通志吉林

外紀皆稱曰署今依檔案訂正

雍正六年建在糧

米行南前臨松花江岸

外紀

大堂五楹內室五楹東西

廂房各三楹堂之前樓四楹又前大門東西門房各

二楹直內室之西書室三楹其前亦有門樓東南隅

從屋爲馬廄東西轅門各一照壁一座周回繚以板

牆乾隆二十四年三十五年重修五十六年火災圍

牆改用磚石重修

檔案圖冊合輯

以後繕葺未詳

演武廳五間在北門外教場

外紀

康熙四十九年旗兵

營建乾隆十七年添建堆房二間三十四年添建十

旗聽差房十間五十二年添建捲棚三間操槍亭三

間檔案

火藥局三間雍正十三年建在城北三里八旗通志

乾隆四十四年添建火藥房六間光緒十三年將軍營建志二

希元添建火藥庫二間檔案

八旗弓匠房十六間在河南街路南外紀旗兵營建檔案

八旗鐵匠房十七間在西門內路北外紀旗兵營建光

緒十三年改爲寶吉錢局檔案

街道廳左翼堆撥房五間右翼堆撥房五間大門一

間光緒十六年火災十八年重建檔案

督捕司神堂三間番役房十間大門一間光緒十六

年火災十八年重建

同上

八旗堆撥房共二十五間鑲黃旗五間鑲藍旗二間  
餘各三間乾隆四十二年修葺裁去鑲黃旗房二間

同上

十旗官房共二百零八間

外紀

菓子樓三間堆房五間大門一間旗兵營建乾隆三  
十五年添建晒晾樓三間

檣案

光緒十六年火災十八

年重建

檣

龍船房十九間堆撥房二間在西門外

外紀

乾隆十九

年建二十八年添建造船房三間嘉慶十五年裁去

七間

櫓案

顏料庫三十間在西門內東南隅

外紀旗兵營建案

養牲所在北門外

外紀飼養黑牛芻薪房六間牛牢五

間羊圈二間

櫓案

鷹房五間在巴爾虎門內東南隅

外紀

御史公署十五間雍正六年設

盛京通志四十六今廢

甯古塔副都統署在城內正北隅康熙五年建同治

十三年土寇焚燬光緒三年重建最後爲印房次二

堂七楹正中大堂五楹綴以重軒階下爲甬道庭中

老樹數株枝幹蟠曲東偏銀庫三楹左司房八楹西

偏右司房六楹倉司房三楹折而北爲菓子樓原係  
貂皮庫乾隆四十八年改建雍正四年增建修箭桿  
處匠役房儀門一楹大門五楹左右兩翼房暨前槍  
營虎槍營阜班聽差處俱在大門外周圍排鹿角木  
南列照牆

檔案圖  
冊合輯

光緒十八年署副都統莫爾廣額

重修右司房並印務處菓子樓承辦處辦事房

櫺櫺

副都統府在城南門內旗兵營建廳事三楹東爲兵  
弁住房五楹西書吏房三楹後爲儀門門後爲二堂  
五楹兩廂房共四楹又後內室五楹內室池東有廚  
房有廡大門三楹轅門照壁如制乾隆四十七年四



十八年並重修

檔案圖冊今編

以後繕葺未詳

監獄在城內西北隅獄官房三間獄房三間看獄巡

更廂房共五間

冊報

演武廳三間堆撥房三間門樓一座在城東三里許

旗兵營建光緒八年重修

冊報摺稿合輯

火藥局二局在城東門外昭忠祠內

冊報

稅課司在城東門內

圖說

督捕廳在城東門外城隍廟內

同上

街道廳在城南門外

同上

八旗弓匠鐵匠房六間

盛京通志四十六

激桶房八間

橫案

義鷹房三間

同上

御史公館十五間雍正六年設

盛京舊志

今廢

地在西門外德

勝街南首居人猶呼爲欽差行臺云

伯都訥副都統署在城中康熙三十二年建大堂五

楹二堂三楹銀庫印庫各二楹左司右司房各四楹

櫛房共六楹前鋒營房虎槍營房並在儀門外八旗

聽差房在署前署內迤東爲土地祠西南隅爲監獄

大門轅門照牆如制

橫案

光緒八年增建過廳五楹並

加修葺

冊報

十八年副都統柏英重修大堂暨印庫左

右司檔房

摺檔

副都統府在南門內路西康熙三十二年建廳事三楹東翼室三楹西書室五楹二堂暨兩廂房凡九楹內室三楹東西廂房共四楹外爲儀門大門乾隆年

間迭次修葺

檔案冊報合輯

光緒十八年重修

摺檔

演武廳三間堆房三間本在城南今移至東門外

冊報

光緒十八年重修

摺檔

火藥庫一間堆房二間在城外東北隅雍正九年建

冊報

光緒十八年重修

摺檔

督捕廳值班房五間在西門內乾隆元年建

冊報

菓子樓二間康熙三十二年建內設冰窖同上

激桶房二間旗兵建造捐櫓

弓匠鐵匠房三間旗兵建造同上

理事廳廢署在副都統署路西始以居巡檢乾隆二

十六年奉裁改爲委主事署通志嘉慶十五年改設理

事同知光緒八年同知署移建孤榆樹屯今爲電報

局民稅局及征收地丁錢糧處冊報

三姓副都統署在城東北隅雍正十年建大堂五楹

穿堂五楹印務處檔房三楹堂東印庫二楹左司房

三楹菓子樓二楹前鋒營房三楹西爲銀庫二楹烏

綾庫

一作賞  
需樓

三楹右司房三楹番役房三楹火器營

房三楹又西偏爲監獄前儀門東西便門各一又前

大門八旗聽差房在門左右南列照牆鹿角木三十

丈乾隆嘉慶道光咸豐年間俱有修葺光緒十四年

重修

檔案圖  
冊合輯

副都統府在城東門內署東旗兵營建廳事五楹花

廳五楹書室三楹東西廂房六楹外爲大門板垣圍

之乾隆十七年重修

同

以後繕葺未詳

演武廳三間堆房三間在城東門外旗兵建造乾隆

五十八年六十年道光三年俱重修

檔案冊  
輯合輯

火藥庫一間在城北門內

冊報

稅課司三間在城西大街路北

同上

護江關稅房三間在城東三十里松花江口光緒七

年建

同上

街道廳屋三間在城西大街路北

同上

採捕東珠船房三間旗兵建造

檔案

左右翼關防處在城東南隅

圖說

八旗弓匠鐵匠房六間旗兵建造今圯

冊報

養鷹房五間乾隆三十九年建今圯

同上

富克錦協領署在城北光緒十年建大堂五楹內室

五楹東廂鑲黃旗正白旗辦事房六楹西廂正黃旗

正紅旗辦事房六楹從屋凡八楹

冊報

火藥庫一所在署西

冊圖

阿勒楚喀副都統署在舊城中路西雍正六年建大

堂五楹二堂三楹左司右司房各三楹銀庫印庫各

二楹儀門一楹大門三楹前鋒營房八旗聽差房並

在署前西偏監獄五間板垣圍之照壁一座乾隆年

間俱經修葺

冊報  
案合輯

同治四年燬七年副都統海英

重建

摺

左司檔房暨銀印二庫光緒十四年十五年

重修監獄十三年重修

冊報

副都統府在署東旗兵營建乾隆年間屢有繕葺同

治四年燬八年重建房屋都二十一楹

府報

演武廳三間在舊城外東南隅旗兵建造乾隆二十

五年重修

案檔

同治八年重建

冊報

火藥庫一間光緒四年建

冊報

兩翼協領關防處八旗佐領辦事房每一所屋五間

凡五十間大門各一間始建年無考光緒十八年重

修

摺檔

菓子樓二間

外紀作三間

旗兵建造

案檔

松課司屋五間廂房四間在城內十字街西北窰建



年分無考光緒十一年重建

冊報

查街辦事房三間旗兵建造

案檔

光緒十一年重建屋

六間

冊報

激桶房在城內十字街西北

冊報

雙城協領署在城內東南隅嘉慶二十年建正房三

楹東西廂房各三楹大門一楹

案檔

同治四年燬堡故

有總管府房廨都三十餘楹今爲協領治事所

冊報

協領住宅正房三楹東西廂房各三楹大門一楹

案檔

佐領住宅二所每所房廨凡八楹

同上

驍騎校住宅二所每所房廨凡六楹

同上

領催住宅八所每所屋四楹

同上

披甲住宅六十所每所屋三楹

同上

左屯佐領署嘉慶二十四年建正屋三楹廂房三楹

大門一楹

同上

按外紀有中屯協領左屯佐領右屯佐領三署冊報僅及協領署始末餘俱

闕略茲據檔案錄其歧異處未詳

佐領住宅二所每所房廡凡八楹

同上

驍騎校住宅二所每所房廡凡六楹

同上

領催住宅四所每所屋四楹

同上

披甲住宅三十所每所屋三楹

同上

演武廳三間堆房三間在城南

圖冊

稅課司三間在城中

同上

番役房三間查街房三間並在城中

同上

菓子樓二間

櫺案

拉林協領署在拉林城西北隅前以副都統鎮之乾

隆三十四年改設大堂五楹二堂三楹東西廂房各

三楹儀門一楹門東銀庫三楹乾隆四十四年改爲

棉甲庫西軍器庫三楹大門一楹

櫺案參圖冊

同治四年

燬七年署協領永海重修光緒十八年協領保成重

修大堂暨櫺冊房

櫺

琿春副都統署在城中故協領所居康熙五十三年

建嘉慶十二年十三年十四年陸續繕葺案光緒八

年將軍銘安奏請改設大門七楹儀門三楹東偏庫

樓一座大堂五楹東廂爲左司承辦處西爲右司印

務處後有正屋各三楹皆南向二堂五楹東西廂凡

六楹光緒十五年大門左右建破房各四間冊監獄

房五間在署外西南隅業

副都統府在署後廳事五楹東西廂房各三楹東廂

後院正屋三楹廂房十楹以居勇弁西廂後院正屋

亦三楹廂房十楹爲支發處東西轅門各一障以影

壁冊

演武廳五間在城南門內同上

教場箭廳三間在城東門外同上旗兵建造嘉慶十五

年修葺案檔

三旗堆撥房三間旗兵建造嘉慶十三年修葺案檔

招墾局在城東門內路北正房五間東西廂房各五  
間大門五間冊報

欽差行臺在署西南正房五間東西廂房各六間大門五  
間儀門一間同上

烏拉協領署在城內十字街總管署西旗兵建造大  
堂五楹堂後東北隅滿漢義學各三楹東廂辦事房

四楹西廂關防處一楹承辦處三楹乾隆四十八年

四十九年五十年次第修葺二門大門照牆如制板

牆間之

檔案圖冊今輯

演武廳三間堆房二間在城東門外旗兵建造嘉慶

三年十年俱重修

檔案參圖冊

箭亭三間在城東門外

冊報

貯蜂蜜房三間

通志

御史公館二所在城東門外

同今廢

八旗堆房共二十四間在城內

外紀

五常協領署在堡中西北隅咸豐八年建大堂三楹

後爲關防處房三楹堂東西左司右司房各五楹櫥

房各三楹火藥庫二楹光緒十年重修儀門大門照

牆咸具

冊圖

演武廳三間在堡中西南隅上

伊通河佐領署在城東北隅雍正六年建廳事及東

西廂凡九楹二門大門各一楹乾隆年間重修

圖冊參稽

案同治四年燬七年佐領三慶重建

摺

光緒十年重

修

文移

演武廳三間在城外東南隅光緒十一年添建二間

檔案文  
移合輯

額穆赫索羅佐領署在大街路南乾隆七年建廨舍

都十二楹

圖冊

演武廳三間

櫺案

打牲烏拉總管署在城內十字街東建年無考大堂  
三楹恭奉

龍牌右有夾室一楹堂後爲印務處屋五楹西偏爲松  
子細鱗乾魚等庫大堂前屋三楹南向稍東爲銀庫  
左右設採珠房各五楹兩翼捕魚房共六楹在儀門  
外前卽大門緣以土垣照牆一座

圖冊



吉林通志卷二十六

輿地志十四 壇廟 祠祭附

吉林省城

社稷壇在東萊門外先農壇左順治二年建冊報

風雲雷雨山川壇在東萊門外先農壇右順治二年

建同上

先農壇在東萊門外一里壇高三尺面闊二丈四尺

正殿三楹更衣廳三楹順治二年建同上

長白山望祭殿在城西南溫德亨山正殿五楹祭器樓二楹牌樓一座雍正十一年建每歲春秋將軍率

屬望祭

盛京通志九十九

吳兆騫封祭長白山恭紀配極神山峻修封

帝命崇金函新建嶽玉檢此升中成秩遵虞典昌期答漢功  
星輶瞻二使雲燎視三公戴斗原承北苞祇獨峙東  
千年今值泰萬歲昔問嵩地接興龍近天開翥鳳雄  
嵯峨分氣象竚祿闢鴻濛五時儀還陋三祠禮自同  
宗祏通肸鬯展案契昭融圭幣陳緹帟駉駉豁錦幪  
日華遙合扇雲氣迴成宮列嶂輝瓊雪雙流互玉虹  
壯哉符寶勢赫矣麗璇穹仙靄凝巖紫高霞鏡野紅  
何須傳縱雉已見永垂鴻芝朮祥倖岱枌榆祀比豐

紫壇三望徧絳節百神通運喜逢文命書慙獻所忠

聖皇長有道靈秩慶無窮

秋笏集二

劉綸恭和

御製望祭長白山作元韻

王氣長鍾協大亨禮先羣望仰精誠蕭燔仙霧開

金殿勺薦神漿挹紫英千丈高蟠俄朵碧三江遠匯聞

門清願祈肸鬯昭靈貺坤絡乾維護兩京

盛京通志百二十

三

汪由敦前題詩周邦時邁協昭亨

喬嶽升香表至誠紫氣東來常鬱鬱白雲中起鎮英英祥

徵朱果符長發秩配

黃祇佑永清薦帛燔柴翹望處地靈億載護

神京

同上

松花江神廟在東萊門外北江岸正殿五楹大門三楹配廡三楹乾隆四十四年

敕建嘉慶二年修葺光緒十四年

御書馬營保障匾額恭懸正殿

乾隆四十三年九月壬寅

上諭朕惟吉林之松花江縈護陪京滋演億載靈脈向未建廟專祭無以仰答神庥著交福康安於吉林城外沿江處

所特建松花江神廟將如何擇地興工之處定議具奏

東華

續錄四

十三

關帝廟有四十一一在東萊門外正殿三楹後殿三楹大雄閣三楹酒仙殿三楹東西配廡各五楹東西廂房各三楹左右禪堂各三楹鐘鼓樓各一大門三楹正殿恭懸咸豐九年

御賜萬世人極匾額及光緒十四年

御書神武孔昭匾額一在得勝門外北山正殿三楹西配廡七楹禪堂三楹穿廳三楹東配房五楹仙人堂三楹鐘鼓樓各一演戲樓一座西便門一楹乾隆十九

年

高祖純皇帝駕幸吉林

御書靈著幽岐匾額恭懸正殿一在迎恩門外火神廟內正殿三楹東西配廡各六楹左右禪堂各三楹一在省東四十里大茶棚正殿三楹佛殿三楹娘娘殿三楹禪堂三楹大門一楹一在省東一百二十里老爺嶺正殿三楹禪房三楹康熙二十八年建光緒九年重修一在省東二百四十里退搏站正殿三楹娘娘殿三楹東西配廡各三楹大門一楹一在省東南一百八十里蛟河鎮正殿三楹娘娘殿三楹財神殿三楹

東西配廡各五楹鐘鼓樓各一大門一楹嘉慶十三年建光緒五年重修一在省東南三百二十里木其河川正殿三楹娘娘殿三楹東西配廡各五楹鐘鼓樓各一大門一楹同治年建光緒十九年重修一在省南五十三里紅旗屯正殿三楹西配廡三楹大門一楹乾隆三十八年建一在省南八十里官地正殿三楹東配廡三楹鐘鼓樓各一大門一楹嘉慶十三年建光緒十四年重修一在省南一百四十里慶嶺正殿三楹西配廡三楹大門一楹光緒十五年建一在省西南一百六十里二十家子屯正殿三楹東西

配廡各三楹鐘鼓樓各一大門一楹咸豐十一年建  
一在省西南二百里烟筒山正殿三楹西配廡三楹  
大門一楹光緒十一年建一在省西南二百八十里  
老爺嶺正殿三楹東配廡三楹大門一楹同治三年  
建光緒十一年重修一在省西二十五里觀音嶺正  
殿三楹東西配廡各三楹佛殿三楹菩薩殿三楹靈  
仙堂一楹大門三楹光緒十七年重修一在省西四  
十五里大綏河正殿三楹後殿三楹東西配廡各三  
楹鐘鼓樓各一乾隆四十六年建光緒十七年重修  
一在省西一百里大荒地正殿三楹中殿三楹後殿



三楹東西配廡各三楹鐘鼓樓各一大門一楹嘉慶  
十三年建道光九年重修同治八年又葺一在省西  
一百二十里波泥河正殿三楹娘娘殿一楹鐘樓一  
座大門一楹乾隆二十年建同治四年重修一在省  
西一百八十五里放牛溝正殿三楹後殿三楹鐘鼓  
樓各一大門一楹一在省西二百五里馬家頭台正  
殿三楹娘娘殿三楹藥王殿一楹東西配廡各三楹  
乾隆四十六年建嘉慶十五年重修光緒二年又葺  
一在省西一百八十里新安堡正殿三楹娘娘殿三  
楹靈仙堂三楹東配廡五楹鐘樓一座大門一楹乾

隆八年建光緒七年重修一在省西二百二十里小河台正殿三楹娘娘殿三楹藥王殿一楹東西配廡各三楹鐘鼓樓各一乾隆十三年建光緒五年重修一在省西二百里雙陽河正殿三楹東西配廡各三楹大門三楹康熙年建光緒十二年重修一在省西六十里蒐登站正殿三楹彌勒佛殿一楹鐘鼓樓各一大門三楹乾隆十三年建道光十五年重修一在省西九十里一拉溪正殿三楹東西配廡各三楹大門一楹乾隆二十三年建道光十三年重修同治七年又葺一在省西一百八里雙橋子正殿三楹東西

配廡各三楹大門一楹乾隆年建成豐十年重修一  
在省西一百二十里岔路河正殿三楹菩薩殿一楹  
東西配廡各五楹鐘鼓樓各一大門三楹康熙三十  
八年建乾隆二十年重修同治十年光緒十五年又  
葺一在省西北五十里紅土霞屯正殿三楹東配廡  
三楹鐘鼓樓各一大門一楹一在省西北一百五十  
里奇塔穆街正殿三楹娘娘殿一楹東西配廡各三  
楹鐘樓一座一在省北二十八里舊站街正殿三楹  
鐘樓一座大門一楹一在省北頭台子正殿一楹佛  
殿三楹東配廡五楹鐘樓一座大門一楹一在省北

七十里大荒地正殿三楹東西配廡各三楹鐘樓一座大門一楹一在省東北九十里尤家屯正殿三楹東配廡三楹大門一楹道光二十五年建一在省東北一百二十里缸窰屯正殿三楹東配廡六楹鐘樓一座大門一楹雍正年建咸豐六年重修一在省東北一百八十里六道荒小城子正殿三楹西配廡三楹大門一楹光緒十三年建一在省東北一百八十里朝陽川官街正殿三楹娘娘殿三楹東西配廡各三楹大門一楹同治八年建光緒十年重修一在省東北一百二十里溪浪河正殿三楹東西配廡各三

楹大門一楹康熙年建同治五年重修一在省東北  
一百二十里鳳凰山正殿三楹配廡三楹禪堂五楹  
鐘樓一座同治七年

御賜嚴疆保障匾額恭縣正殿一在省東北一百三十五里  
嘎呀河正殿三楹東西配廡各三楹鐘鼓樓各一大  
門一楹嘉慶二年建一在省東北一百四十里白旗  
屯正殿三楹娘娘殿三楹東配廡三楹西配廡六楹  
大門一楹乾隆二年建道光五年重修光緒十一年  
又葺一在省東北一百八十里法特哈門正殿三楹  
東西配廡各五楹鐘樓一座大門一楹康熙年建光

緒五年重修

文昌宮在城內東南隅正殿三楹後殿三楹配廡三楹馬殿三楹大門一楹乾隆三十年同知圖善於魁星樓下權宜設祭咸豐八年舉人慶福等集貲創建始如今制同治十三年重修光緒十九年分巡道訥欽籌款又葺

龍王廟有二一在東萊門外一里餘正殿三楹東西配廡各三楹大門一楹乾隆二十年建嘉慶二十三年將軍富爾松阿飭屬重修同治九年將軍富明阿倡捐又葺正殿恭懸光緒十四年

御書渤海宣仁匾額一在江南岸正殿三楹東西配廡各三楹大門三楹咸豐七年建

城隍廟在城內將軍署東正殿三楹後殿三楹東西配廡各三楹儀門三楹禪堂三楹土地祠三楹鐘鼓樓各一大門三楹上有演戲樓康熙四年建嘉慶十一年重修道光二十六年復修光緒十一年又修光緒十四年

御書龍泉普佑匾額十六年

御書龍泉惠普匾額恭懸正殿十五年在迎恩門外建設行宮正殿三楹大門一楹

龍鳳寺在朝陽門外龍潭山

即尼什哈山

距城十二里佛

殿三楹龍王殿三楹客廳三楹更衣廳五楹禪堂三楹配房六楹鐘鼓樓各一乾隆十九年

高宗純皇帝駕幸吉林

御書福佑大東匾額恭懸正殿寺西北爲龍潭春秋將軍率屬致祭潭前建牌坊一座上懸光緒十七年

御書挹婁澤洽匾額寺西南有神樹一株春秋致祭

火神廟在迎恩門外一里許正殿三楹東西配廡各三楹鐘鼓樓各一大門三楹門前有演戲樓一座雍正五年建同治二年復葺光緒二年商人呈請抽釐



# 重修

山神廟有二一在迎恩門外一里許正殿三楹配廡  
禪堂共十餘楹鐘鼓樓各一大門三楹門前有演戲  
樓一座建年無考光緒初年山東會商人捐貲重修  
一在城內太平倉前正殿一楹大門一楹乾隆十三  
年建同治九年重修

真武廟在北極門外元天嶺上正殿三楹東西配廡  
各三楹禪堂六楹斗姆閣三楹大門一楹乾隆三年  
建五十一年重修道光二十九年又葺

八蜡廟

俗呼蟲王廟

在城內東南隅正殿三楹東殿一楹

北殿三楹西殿一楹前殿一楹南配廡五楹禪堂三楹大門一楹康熙六年建光緒十三年東三省練兵大臣穆圖善倡捐重修

祖師廟在朝陽門內路南殿宇六楹禪堂三楹西配廡五楹東耳房三楹大門一楹

魁星樓在文昌宮左乾隆七年建成豐八年復葺同治十三年重修旁建靈仙堂祠宇一楹大門一楹

三義廟在河南街北正殿三楹配房三楹大門三楹功德院在通天街路北正殿三楹後殿五楹東西正殿各三楹東西配廡各三楹禪堂六楹鐘鼓樓各一

大門三楹前明時建雍正十二年復葺光緒元年重修刑部郎中彭光譽爲之記其文曰釋迦牟尼言等身金寶布施功德眎爲人解說經文功德百分不及一而今之緇白末流惟知金寶布施爲功德者何也如來入世時亦有長者須達多布金建精舍善女菴羅以園奉佛彼祇心篤皈衣乞佛爲眾生說法故得各證菩提豈以布施修福報而受後有也在佛之慈悲仍一住無住度眾生無眾生得度之本旨但必隨緣應現故法施藉財施理亦有之然則以金寶布施者果爲眾生說法之道場也卽與說經功德爲比佛

亦必云如是如是矣吉林城中有善院一區以功德名者也歲久失修棟宇浸圯阿闍黎安貴乞有緣善信布金莊嚴之考乾隆中臨榆生員廉三省氏木碑及道光初堂主事薩英額吉夫吉林外紀僉謂雍正時有石母者豐於產而無子捨宅爲院香鐙奉佛別爲暖室三冬收老幼廢疾衣食之田產悉歸院界衲子住持爲經久貲今之琳宇巍峨西偏養濟院皆其故址其田產則半爲佃者侵沒紀僅云母熊氏父與夫皆不詳嗚呼以一現優邁夷身者心抒悲憫振逆濟貧哀孤恤老雖百有餘年仍延其舊布施之澤之

遠有如是蓋以菴羅而奄有須達多之美是又一東  
土給孤獨園矣菴羅云乎哉母生平他事無考所證  
之果不可知第據此一事其神亦必生忉利以功德  
名其院不亦宜乎安貴秉受岫雲寺慈雲和尚戒律  
持戒甚苦莊嚴佛土甚勤有雲棲蓮池遺軌發大誓  
願將接法上京爲十方常住謀開講壇戒壇接引真  
俗二眾是頗知說經功德者吾以邠輸跋陀隨緣成  
善勉之固未知此土法緣何如爾其院工則自釋迦  
如來殿而梵王子殿而鐘鼓樓以迄山門及石母祠  
養濟院大室齋堂客寮之屬經始於光緒乙亥之夏

藏事於壬午之秋並皆堅固莊嚴且宏大其舊制布  
施者自今將軍銘公副都統玉公督辦邊務大臣吳  
公下逮滿漢羣僚軍民商賈無不歡喜伏助按籍可  
稽之田銘公別籌重貲贖而歸之公受孔子戒不甚  
喜佛法在佛法實能仁之傳也余以庚辰冬應調吉  
林從事邊務幕府越二年夏來院效波斯匿故事於  
大母諱日營齋適院工落成安貴稽首乞文以記其  
事故結集其顛末如此夫顛連無告於時保之在成  
德之君子皆視爲性分中事院之克復其舊初非爲  
福報後有而實爲存恤孤貧事之易成尙不爲異余

獨異夫以訥於言言輒面赤之安貴而一時賢公卿  
大夫若皆默契其誠各抒痼懷抱卽安貴而推賢  
之何輻輳若是也非有夙因歟藉曰苦行感人甚深  
亦可謂善流聚積矣爰卽院名爲演說說經功德以  
進之安貴其勇猛精進誓不退轉必荷擔如來闡揚  
聖教合真俗苦樂眾生而胥度之皆使成就唯心之  
安樂剝庶不墜石母以來以迄今日十方善信無量  
無邊布施功德乃爲釋子無上無等等布施功德爾  
財神廟在城內翠花胡同東正殿五楹東西配廡各  
三楹西客廳五楹穿廳三楹廚房三楹東耳房三楹

大門三楹上有演戲樓嘉慶十五年任學先等集資  
創建道光年間復葺同治十三年今甯古塔副都統  
富爾丹倡捐重修

賜麟堂在翠花胡同正殿三楹禪堂五楹東耳房三  
楹馬殿三楹大門一楹乾隆二年建光緒十七年重  
修

三官廟在城內牛馬巷北正殿三楹東西配廡各三  
楹三清殿一楹大門一楹康熙三十三年建光緒十  
二年重修

三皇廟有二一在通天街北正殿三楹西配廡四楹



大門一楹康熙三十年建嘉慶八年復葺光緒五年重修一在得勝門外北山正殿三楹東西配廡各三楹西南爲眼藥池又西爲春江山閣旁有靈仙堂大門一楹康熙三十一年建乾隆五十二年重修

觀音堂在巴爾虎門內路南正殿三楹東西配廡各五楹仙人堂一楹鐘鼓樓各一大門三楹門前有演戲樓一座相傳乾隆元年某總管得大士金身於清溪中供奉茅菴後總管出征屢蒙神佑遂於三十五年特建是廟道光三年復葺十七年官商集貲置買祀田同治八年將軍富明阿倡捐重修

清真寺有三一在城內牛馬巷東殿廡廳房大門共  
十五楹一在北街路西殿廡廳房大門共十七楹一  
在北關路西殿廡廳房大門共二十楹均係回民修  
建

天齊廟在朝陽門外路北正殿三楹東西配殿各六  
楹禪堂七楹靈佑堂二楹鐘鼓樓各一大門三楹雍正  
二年建嘉慶十六年重修

地藏寺有二一在朝陽門外里許路北正殿一楹龍  
王殿一楹配房三楹大門一楹乾隆五十三年建一  
在迎恩門外義地東殿宇配房大門共七楹嘉慶十

三年建

西方寺在迎恩門外路北正殿三楹東西殿各三楹

東配廡三楹鍾鼓樓各一前明建

柳邊紀略云西方庵供釋迦像在船

廠城西邊門外康熙十二年建即此寺也

國朝嘉慶丙寅燬於火十七年修如舊制光緒十年復葺

冥陽寺在迎恩門外二里許路南殿廡廳舍禪堂大門共十六楹乾隆三十三年建

馬神廟在迎恩門外船營西正殿三楹配廡十楹大門一楹康熙元年建

青蓮寺在巴爾虎門外正殿三楹東西配廡各三楹  
寔神殿一楹東耳房一楹鐘鼓樓各一大門一楹乾隆十五年建嘉慶十五年復葺光緒十九年僧人安貴募貲重修

靈仙府在巴爾虎門外西北三里許正宇三楹東西配廡各三楹東耳房二楹大門一楹光緒十五年建神祇祠在府署東正宇三楹配廡三楹大門一楹乾隆四十三年建同治三年重修光緒十四年又葺昭忠祠先在通天街後胡同正宇五楹同治九年建光緒九年移建局子街路北正宇五楹東西配廡各

三楹二門三楹配房各三楹大門三楹

伊壯愍公祠在崇文書院右正宇三楹東西配廡各  
三楹西耳房二楹穿廳三楹大門一楹同治十一年  
建

多忠勇公祠在崇文書院左正宇三楹大門一楹同  
治十一年建

富威勤公祠在崇文書院東正宇三楹西配廡三楹  
大門一楹光緒十四年建

穆果勇公祠在崇文書院西胡同正宇三楹東西配  
廡各三楹大門三楹光緒十九年建

金忠介公祠在迎恩門外後新街路北正宇三楹東西配廡各三楹穿廳三楹西廊房五楹二門一楹大門一楹光緒十九年建

名宦祠在崇文書院西正宇三楹

鄉賢祠在名宦祠左正宇三楹

節孝祠在名宦祠右正宇三楹以上三祠光緒十九年分巡道訥欽籌款勸建以上冊報

伊通州

社稷壇

未建

先農壇

未建

關帝廟有十一一在城內西街正殿三楹東西配廡各三楹佛殿三楹鐘鼓樓各一大門三楹嘉慶八年建一在東門外正殿三楹娘娘殿三楹東西配廡各三楹鐘鼓樓各一大門三楹乾隆三年建一在城東北二十五里伊巴丹站正殿三楹火神殿三楹東西配廡各三楹鐘鼓樓各一大門三楹乾隆三年建一在城西南七十五里小孤山鎮正殿三楹東西配廡各三楹大門三楹乾隆四年建一在城西南九十五里赫爾蘇鎮正殿三楹娘娘殿三楹東西配廡各三楹鐘鼓樓各一大門三楹道光三年建一在城西南

二百六十里蓮花街正殿三楹東西配廡各三楹鐘鼓樓各一大門三楹乾隆四年建一在城西南二百八十里臭水甸子屯正殿三楹火神殿三楹娘娘殿三楹東西配廡各三楹鐘鼓樓各一大門一楹嘉慶五年建一在城西南二百七十里地北堡正殿三楹娘娘殿三楹東西配廡各三楹鐘鼓樓各一大門一楹道光三年建一在城西北九十里二十家子正殿三楹玉皇殿三楹東西配廡各三楹鐘鼓樓各一大門一楹嘉慶六年建一在城西北一百一十里四台子正殿三楹娘娘殿三楹東西配廡各三楹鐘鼓樓



各一大門一楹道光七年建一在城西北一百三十里上三台正殿三楹娘娘殿三楹東西配廡各三楹鐘鼓樓各一大門三楹乾隆四年建

城隍廟在城外西南正殿三楹東西配廡各三楹大門三楹光緒十六年建

太陽廟在西門外正殿一楹觀音殿三楹大門一楹光緒七年商民捐建

娘娘廟有六一在西門外正殿三楹東西配廡各三楹火神殿三楹大門一楹道光二年建一在城西南三十五里大孤山鎮正殿三楹大門一楹道光三年

建一在城西南二百一十里葉赫站鎮正殿三楹馬  
神殿三楹東西配廡各三楹鐘鼓樓各一大門一楹  
雍正二年建一在城西南二百五十里楊木林子正  
殿三楹東西配廡各三楹鐘鼓樓各一大門一楹道  
光六年建一在城西南二百五十里七箇頂子正殿  
三楹配殿三楹大門一楹光緒八年建一在城西北  
二百七十五里下二台正殿三楹東西配廡各三楹  
大門一楹雍正二年建

藥王廟在西門外正殿三楹魯班殿一楹大門一楹  
道光四年商人捐建

大佛寺在北門外正殿三楹東西配廡各三楹鐘鼓樓各一大門一楹嘉慶三年建

財神廟在北門外正殿三楹東西配廡各三楹大門一楹道光四年建

昭忠祠在東門外正宇三楹大門一楹嘉慶二年建

據冊報

敦化縣

社稷壇

未建

先農壇

未建

關帝廟在城內東北民間捐建

城隍廟在城內西北民間捐建

仙人堂在縣署東祠宇一楹

三佛寺在城東北一百三十里額穆赫索羅街東正  
殿三楹關帝殿三楹西配廡三楹韋陀亭一座鐘鼓  
樓各一大門三楹康熙年建

山神財神馬王廟在城東北一百三十里額穆赫索  
羅正殿三楹東西配廡各三楹鐘鼓樓各一大門一

楹嘉慶年建

據冊報

長春府

社稷壇

未建

先農壇未建

關帝廟在城南門外正殿三楹娘娘殿三楹老君堂一座了意真人祠一座公輸真人祠一座胡定真人祠一座大仙堂一座大仙閣一座藥王殿一座魁星樓一座土地祠一座西配廡七楹禪堂十三楹鐘樓一座大門三楹嘉慶二十一年建

文昌宮在城內東南隅正殿三楹大門三楹同治十二年建

城隍廟在城內西頭道街路北正殿三楹後殿三楹儀門三楹東西配廡各五楹禪堂十楹鐘樓一座土

地祠一楹大門三楹道光六年建

火神廟在城內三道街路北正殿三楹大門一楹道光二十八年建

龍王廟在東門外正殿三楹東西配廡各五楹大門一楹道光十六年建

據冊報

農安縣

社稷壇在南門外

先農壇在南門外正殿一楹配房三楹光緒十六年建

關帝廟在城內正殿三楹光緒七年建

城隍廟在南門內正殿三楹後殿三楹配廡各三楹  
鐘鼓樓各一大門三楹光緒十九年建

財神廟在城內正殿三楹東西配廡各五楹大門一  
楹同治十一年建

娘娘廟在南門外正殿三楹關帝殿三楹龍王殿一  
楹大門一楹道光十四年建

朝陽寺在城西娘娘殿三楹東西配廡各五楹鐘樓  
一座大門一楹道光八年建

海晶宮在城西龍母殿一楹娘娘廟三楹東西配廡  
各三楹大門一楹道光二十八年建

海雲宮在城西太山老姥殿三楹關帝殿一楹九聖  
祠一楹東西配廡各三楹大門一楹道光十四年建  
靈應宮在城西龍母殿三楹藥王殿一楹配廡五楹  
大門一楹咸豐二年建

鬼王廟在西門外正殿三楹大門一楹同治四年建  
德慶宮在城東北娘娘殿三楹關帝殿三楹火神殿  
一楹東西配廡各五楹鐘樓一座大門三楹道光十  
七年建

太平寺在城西北娘娘殿三楹關帝殿三楹東西配  
廡各三楹大門三楹道光五年建

據冊  
報



伯都訥廳

社稷壇

未建

先農壇

未建

關帝廟在城內商民捐建

龍王廟在城內商民捐建

觀音閣在城內商民捐建

據冊報

五常廳

社稷壇

未建

先農壇

未建

關帝廟有二一在東門外正殿五楹前殿三楹後殿

一楹大門三楹光緒七年建一在城西北二十里五  
常堡正殿三楹大門一楹光緒二年建

賓州廳

社稷壇在東門外

先農壇在東門外

關帝廟在城內十字街商民捐建

文昌宮在城內十字街商民捐建

龍王廟在城內十字街商民捐建

據冊報

雙城廳

社稷壇

未建

先農壇

建未

關帝廟有九一在城內西街正殿三楹觀音殿一楹  
龍王殿一楹馬殿一楹東西配廡各五楹大門一楹  
道光元年建二十六年添建財神殿三楹娘娘殿三  
楹呂祖祠一楹祖師殿三楹仙人堂一楹東西配房  
十楹一在東門外路北正殿三楹馬殿一楹娘娘殿  
三楹東西配廡各五楹大門一楹道光二十九年建  
一在拉林城內大街路北正殿三楹城隍殿三楹娘  
娘殿三楹風神殿一楹仙人堂一楹昭忠祠一楹乾  
隆三十四年建一在城東一百一十里新甸吉興寺

正殿三楹娘娘殿三楹東西配廡六楹馬殿一楹大門一楹道光十六年建一在城東南一百一十里多歡站靈佑寺正殿三楹觀音殿一楹娘娘殿三楹山神殿一楹仙人堂一楹東西配廡六楹馬殿一楹大門一楹鐘鼓樓各一道光二十一年建一在城東南二百八十里帽兒山太和宮正殿三楹玉皇殿三楹娘娘殿三楹山神殿一楹東西配廡六楹鐘鼓樓各一大門一楹同治七年建一在城南青雲觀正殿三楹娘娘殿三楹同治五年建一在城西八十里白土崖子龍聚寺正殿三楹玉皇藥王同殿佛殿三楹觀

音殿一楹娘娘殿三楹仙人堂一楹東西配廡六楹  
鐘鼓樓各一大門三楹道光二十年建一在城西八  
十里疇子廟正殿三楹娘娘殿三楹東西配廡六楹  
大門一楹道光十三年建

城隍廟在城內大街路北正殿三楹馬殿一楹土地  
祠一楹東西配廡十楹大門一楹同治十年建

火神廟在南門外正殿三楹觀音殿一楹東配廡三  
楹光緒十九年建

鬼王廟在西門外正殿三楹西配廡三楹同治十年  
建

昭忠祠在城內大街路東正宇三楹東配廡三楹同  
治十二年建

藥王廟在城西八十里柞樹林子正殿一楹娘娘殿  
三楹東西配廡六楹大門一楹道光十五年建

三皇廟在拉林城內大街路北正殿三楹山神殿一  
楹大門一楹乾隆三十四年建

土地祠在拉林城內東南隅光緒十八年建

甯古塔城

社稷壇在城西南四里許高三尺餘道光六年建

先農壇

未建

風雲雷雨神廟在城東南三里許正殿一楹大門一楹道光六年建

文昌宮在城內東南隅正殿三楹上卽魁星樓嘉慶二十三年建

關帝廟有五一在城東正殿三楹後殿三楹東西配廡各五楹禪堂三楹文昌殿三楹馬神殿三楹大門三楹康熙四年建一在城西正殿三楹東西配廡各三楹禪堂十四楹酒仙祠一楹牛王殿一楹大門三楹乾隆四十年建一在城西南十里許依蘭岡正殿三楹東西配廡各五楹大門三楹一在城西北六十

里也河屯正殿三楹禪堂三楹大門三楹乾隆四十  
八年建一在城西八十里沙蘭站正殿三楹東西配  
廡各三楹鐘鼓樓各一大門三楹門前有演戲樓一  
座康熙十年建

火神龍王廟在城外西北正殿三楹配廡三楹禪堂  
三楹大門三楹康熙四十九年建

山神廟在城東正殿三楹東西配廡各七楹禪堂六  
楹大門三楹門前有演戲樓一座乾隆十二年建  
城隍廟在城東正殿三楹配廡五楹禪堂三楹瘟神  
殿一楹土地祠一楹大門三楹康熙六十一年建



財神廟在城東正殿三楹東西配廡各五楹禪堂六楹大門三楹康熙四十五年建

天齊廟在城東正殿三楹東西配廡各三楹大門三楹康熙五年建

藥王苗王蟲王廟在城東正殿三楹東西配廡各五楹禪堂三楹大門三楹康熙五十四年建

老君廟在城東正殿三楹禪堂五楹大門三楹康熙五年建

七聖廟有二一在城東正殿三楹大門三楹康熙五十四年建一在城西南七十里東京城正殿三楹九

聖殿三楹娘娘殿三楹靈官殿三楹東西配廡各五楹大門三楹

古佛寺在城東南正殿三楹大門三楹乾隆四十五年建

彌勒院在南門外正殿三楹禪堂三楹大門一楹乾隆四年建

觀音閣在城西三里許閣制三楹地藏殿三楹河伯神祠一楹天仙聖母殿一楹配廡八楹禪堂三楹鐘鼓樓各一大門三楹康熙三年建

柳邊紀略云在吉林峯下河邊

地藏廟在城北正殿三楹東西配廡各三楹大門一

楹雍正七年建

觀音廟在城東北五里覺羅窪子正殿三楹禪堂三楹大門一楹

三官廟在城東北正殿三楹禪堂五楹大門三楹康

熙二十一年建

柳邊紀略同

娘娘廟在三官廟東正殿三楹東西配廡各三楹大門三楹康熙三十一年建

石佛寺在城西南七十里東京城正殿三楹四大天王殿三楹彌勒佛殿三楹大佛殿三楹左右十八羅漢殿六楹東西配廡各五楹禪堂三楹大門三楹相

傳金時建

國朝同治年重修

冊報

伯都訥城

關帝廟正殿三楹康熙年建

江神廟正殿一楹道光十六年建

龍王廟正殿三楹乾隆三十七年建

城隍廟在城內正殿三楹同治元年建

龍虎寺在城內正殿三楹真武山神同殿乾隆年建

感應寺在城內正殿三楹藥王竈王同殿乾隆年建

財神廟在城內正殿三楹同治元年建

清真寺在城內回民早年建同治元年重修

觀音堂正殿三楹乾隆年建

大佛寺正殿三楹

僻靈寺卽鬼王廟正殿一楹

玉皇閣內有釋迦佛閣制三楹嘉慶二十三年建

瘟神廟正殿三楹乾隆二十一年建

娘娘廟正殿三楹乾隆四十七年建

魯班廟正殿三楹嘉慶二十年建

太醫廟正殿一楹同治十一年建

土地祠在署內康熙三十二年建

昭忠祠正字三楹同治十一年建

冊報

阿勒楚喀城

關帝廟有二一在保安門外正殿三楹一在舊城外  
正殿四楹

文昌宮在保安門外關帝廟內並建魁星樓一座高  
五丈餘

龍王廟在保安門外正殿四楹

火神廟在保安門外與龍王同殿

城隍廟在舊城內正殿二楹

山神廟在舊城外

財神廟在舊城外

祖師廟在舊城外以上均與關帝同殿

蟲王廟在保安門外

藥王廟在保安門外以上與龍王同殿

玉皇廟在保安門外

三皇廟在保安門外關帝廟內旁有風神靈應堂配

廡禪堂鐘鼓樓後有甌塔二座

娘娘廟在關帝廟後

地藏廟有二一在娘娘廟內一在西門外正殿三楹

土地祠在城隍廟內

昭忠祠在城隍廟內

冊報

三姓城

社稷壇

未建

先農壇

未建

關帝廟有三一在城內正殿三楹東西配廡各五楹  
禪堂五楹鐘鼓樓各一大門三楹一在南門外正殿  
五楹東西配廡各五楹禪堂五楹鐘鼓樓各一大門  
三楹一在富克錦城西北正殿三楹觀音殿三楹禪  
堂三楹光緒十八年建

文昌宮在城內正殿三楹旁建魁星樓一座大門一



楹

城隍廟在城內正殿三楹大門三楹

火神廟在城外西北正殿三楹禪堂三楹大門三楹  
龍王廟在城北江南岸五里餘正殿三楹禪堂三楹  
大門一楹

江神廟在城北與龍王同殿

山神廟在城外街北正殿三楹東西配廡各五楹禪  
堂三楹鐘鼓樓各一大門三楹

觀音寺在城內正殿三楹

馬王廟在城內城隍廟院正殿三楹

藥王廟在城內與關帝同殿

魯班廟在城內與關帝同殿

三官廟在北門內正殿三楹東西配廡各三楹大門  
三楹光緒十七年副都統富魁倡捐修建

天仙娘娘廟有二一在南門外正殿三楹一在城北  
五里正殿三楹東西配廡各三楹禪堂三楹大門一  
楹

泰山娘娘廟在城東南拉瑪呼屯正殿三楹東西配  
廡各三楹禪堂三楹鐘鼓樓各一大門三楹

玉皇廟在西門外正殿一楹西配廡三楹光緒十八

年副都統富魁倡捐添建東配廡三楹

三皇廟在城外西南三里餘正殿三楹禪堂三楹大門三楹殿前有神樹一株光緒十二年住持僧識禪募貲重修

瘟神廟在城外街北正殿一楹

財神廟在城外街北與山神同殿

竈君廟在城外與火神同殿

酒仙廟在城外與火神同殿

地藏寺在城外西北二里餘正殿三楹東西配廡各五楹禪堂五楹鐘鼓樓各一大門三楹

三  
蟲王廟在城北與龍王同殿

昭忠祠在城內原經官建正字三楹光緒三年於舊

祠前添建正字三楹東西配廡各三楹大門一楹冊報

琿春城

社稷壇在城南里許

先農壇

未建

關帝廟在城西四里許

城隍廟在城內東北隅

龍王廟在城北五里

祖師廟在城內北廂

冊報

烏拉城

關帝廟有二一在城內總管署東正殿三楹後殿三楹東西配廡各三楹禪堂六楹鐘鼓樓各一大門三楹一在古城外東北隅正殿三楹後殿三楹東西配廡各三楹禪堂六楹鐘鼓樓各一大門三楹門前有演戲樓一座

城隍廟在城內正殿三楹東西配廡各三楹大門三楹

山神廟在古城東北隅正殿三楹東西配廡各三楹大門三楹

娘娘廟在古城內正殿三楹元通樓三楹東西配廡  
各五楹大門三楹

藥王廟在城外南街正殿三楹後殿三楹東西配廡  
各五楹大門三楹西有土地祠一楹後有清真寺三  
楹

財神廟在城外北街正殿三楹東西配廡各五楹大  
門一楹

觀音寺在北門外正殿三楹東西配廡各三楹鐘鼓

樓各一大門一楹

冊報

前代祠祭附

古開天宏聖帝廟金大定十二年有司言長白山在  
興王之地禮合尊崇議封爵建廟字十二月禮部太  
常學士院奏奉敕旨封興國靈應王卽其山北地建  
廟字十五年三月奏定封冊儀物冠九旒服九章玉  
圭玉冊函香幣冊祝遣使副各一員詣會甯府行禮  
官散齋二日致齋一日所司於廟中陳設如儀廟門  
外設玉冊衮冕幄次牙仗旗鼓從物等視一品儀禮  
用三獻祭如嶽鎮

大金集禮三十五大定十二年二月三日檢討到長白山建廟典故

下項勅旨准奉行尙書舜典封十有二山注謂每州之名山殊大者以爲其鎮通典載唐天寶八載封太

白山爲神應公其九州鎮山除入諸岳外並宜封公  
又通典秦有名山大川祠漢修山川羣祀唐宋岳鎮  
海濱及名山皆有廟今來長白山在興王之北之  
秦漢諸鎮山更合尊崇擬別加封爵仍修建廟宇十  
二月一日禮部太常寺學士院檢定到爵號名稱及  
差官相視到建廟地步下項奏奉敕旨封王仍以興  
國靈應爲名唐天寶八載封太白山爲神應公并九  
州鎮山除入諸岳外並封公唐清泰初封吳山爲靈  
應王宋元豐七年封吳山爲成德王擬具到爵位名  
稱王公開祥應德興國靈應閣聖永甯山北地一段  
各面七十步可以興建廟宇十五年三月二十三日  
奏稟封稟後物冊祀文并合差使副撰定月日行禮  
冊儀物九旌冠冕板廣七寸長一尺二寸琉玉三采  
朱白蒼王笄九章服一五章在衣山龍華蟲火宗彝  
四章在裳藻粉米黼黻玉圭一同恒圭長九寸廣三  
寸厚半寸玉冊一用次玉長九寸廣九分簡數視冊  
文多少節二持節擬依於木處差官二員合降冊文  
祝文香用黃香幣用青幣一丈八尺奉冊使副各一  
員五品六品內奏差宣判張國基充副使起馬前去



成平府少尹婁室充使進發日冊匣裘冕等各置於  
與約量差軍人接護所通州縣更替每行節在與前  
使副在後逐程置於驛之正廳冊案在路人皆遵路  
至山下安置潔淨去處行禮官並散齋二日於公館  
致齋一日於祠所前一日於廟中陳設如儀於廟門  
內外設玉冊裘冕幄次及設使副等次設登鼓鐘磬  
兩架及用導從人牙校旗鼓從物等視一品儀持節  
者乘馬前導冊使副騎從就本處差三獻官并選定  
近上官一十員導行冊與如不足以次官充並公服  
本處差捧冊官二員讀冊官一員至廟門外步入廟  
中玉冊程次冊使副奉玉冊裘冕入次訖改服公服  
禮生贊禮三獻官致祭樂作降神如今祭岳瀆之儀  
應本處官屬並公服陪位立班北向以爲上三獻  
官致祭訖禮生引冊使副出自幄次奉玉冊裘冕由  
正門入持節去節依前導樂作升殿上門西褥位  
樂止玉冊在前衮冕次之使副立於其後禮生贊拜  
殿下官屬並再拜禮生引冊使當神座前立具銜某  
奉敕冊長白山神爲興國靈應王賜玉冊裘冕言訖  
少西立副使奉冊案詣神前置褥位訖少退西立禮  
生引冊使至案南捧冊官跪捧冊讀冊官跪讀冊訖

樂作副使及捧冊官同奉冊入殿內安置訖出立  
殿外少西樂止禮生又引副使奉衮冕至殿門外禱  
位北向冊使副同奉入殿樂作至殿內奉安訖置於  
匱出立殿門外少西樂止少頃禮生引使副降殿持  
節者加節依前導以出復門外位送神樂作一成止  
禮生贊拜殿下祀官及羣官皆再拜以次退祀官焚  
祝版幣如儀封冊用八月二十日戊辰如有妨礙用  
二十四日壬申每歲於春秋二仲月擇日降香致祭  
其冊文云皇帝若曰自兩儀剖判山嶽神秀各鍾於  
其分野國將興者天實作之對越神庥必以祀事故  
肇基王迹有若岐陽望秩山川於稽虞典厥維長白  
載我金德仰止其高實爲我舊邦之鎮混同流光源  
所從出秩秩幽幽有相之道列聖蕃衍熾昌迄於太  
祖神武徵應無敵於天下爰作神主肆予沖人紹休

聖緒四海之內名山大川靡不咸秩矧王業所因瞻  
彼旱麓可儉其禮服章爵號非位於公侯之上不足  
以稱焉今遣某官某持節備物冊命茲山之神爲興  
國靈應王仍敕有司歲時奉祀於戲廟食之享互萬  
億年維金之禎與山無極豈不偉與豈不偉與

入

祝文蓋以發祥靈源作鎮東土百神所震羣王之

金史禮志

府勢王吾邦日隆丕緒祝典暨稱龍章時舉顯顯真

封巖巖祠宇神之聽之永膺天祐

大金集禮三十五

自是每

歲降香命有司春秋二仲擇日致祭明昌四年十月  
備袞冕玉冊儀物上御大安殿用黃麾立仗八百人

行仗五百人復冊爲開天宏聖帝

金史禮志八

古興國應聖公廟金大定二十五年有司言昔太祖

征遼策馬徑渡江神助順靈應昭著宜修祠宇加賜

封爵迺封神爲興國應聖公致祭如長白山儀

大金集禮

三十七大定二十五年四月十三日奏請混同江太

祖征遼策馬引軍徑渡蓋江神靈應之事雖有廟宇

前來未曾封冊擬再行修完加賜封爵奉敕旨舊廟

修完仍封興國應聖公令學士院撰碑文用女直漢

字刊寫二十六年六月五日奉敕旨冊禮如保陵公

依長白山致祭七月十九日行冊禮

故事又大定二十年十月三日勅旨山陵下蓋山神

名續奉勅旨改封爲保陵公二十二年四月二十八

日行封冊禮鷺冕入旒服七章三章在衣遺火宗彝

四章在裳藻米粉黼黻餘同冠冕圭冊香

幣使副持節行禮並如冊長白山之儀其冊文云

昔我太祖武元皇帝受天明命掃遼季荒弗成師以  
出至於大江浩浩洪流不舟而濟雖穆滿渡江而龍  
梁光武濟河而水冰自今觀之無足言矣孰徐之歲  
四月孟夏朕時邁舊邦臨江永歎仰藝祖之開基嘉  
江神之效靈至止上都議所以尊崇之典蓋古者五  
嶽視三公四瀆視諸侯至有唐以來遂享帝王之尊  
稱非直後世彌文而崇德報功禮亦有當然者矧茲  
江源出於長白經營帝鄉寶相興運非錫以上公之  
號則無以昭答神庥今遣某官某持節備物冊命神  
爲興國應聖公申命有司歲時奉祀於戲嚴廟貌正

封爵禮亦至矣惟神其衍靈長之德用輔我國家彌

億年神亦享廟食於無窮豈不休哉

同上

古嘉蔭侯廟金大定二十五年敕封上京護國林神

爲護國嘉蔭侯羈冕七旒服五章圭同信圭遣使詣

廟以三獻禮祭告

大金集禮三十七大定二十五年四月二十日奉敕旨林神廟賜名

護國嘉蔭侯逢七日令上京幕官一員燒香仍常修葺  
葺二十六年檢討到自昔封拜公侯雖有冊命緣照  
得唐以來典故封五嶽四瀆爲王公會行冊禮別不  
見封侯行冊命之儀近世喪禮神靈亦止給衣冠不  
行冊命至於王公之封何亦不行冊禮兼侯爵品秩  
稍卑今擬嘉蔭侯止頒給敕命降賜衣冠差人資付  
本處長吏用祝版擇日祭告定到下項儀注羈冕七  
旒服五章三章在衣宗彝藻粉米二在裳黼黻玉圭  
同信圭長七寸廣三寸厚半寸視文學士院撰香用  
黃香幣用白繒長一丈八尺行禮官清齋一日擇日

祭告前一日所司於廟中陳設如儀於廟門外設冠  
服幄次差官並本處官充內三獻官並本部差初獻  
委長官如缺卽以次官外委本處就便差讀祝官一  
捧祝官二盥洗官二爵洗官二奉爵官一司尊彝一  
禮直官四以本處司吏充祭日丑前五刻行事執事  
官各就次掌饌者帥其屬實饌具畢凡祭官各服其  
服贊者引初獻官升自東階黼視陳設訖退就次次  
引初獻入就堂下詣廟南門外揖位立定贊禮者贊節次  
引又引行事執事官就堂下席位北向立贊者曰再  
拜在位者皆再拜贊者請諸執事官皆就位次用祝  
升堂就位立定次引獻詣盥洗位北向立揖笏盥手  
執手執笏詣爵洗位北向立揖笏洗爵拭爵以爵授  
執事者執笏升堂詣酌尊所西向立執事者酌酒初獻  
初獻初獻指笏執爵執尊者舉爵執事者酌酒初獻  
以爵授執事者執事者執爵執尊者舉爵執事者酌酒初獻  
事者以爵授初獻初獻執爵執尊者舉爵執事者酌酒初獻  
伏興少立次引祝詣神位前東向立揖笏讀祝讀  
訖執笏興退復位初獻再拜贊禮者引初獻復位次  
引亞終獻酌奠並如初獻之儀惟不讀祝不飲福受

胙簋者引初獻官詣神位前北向立執事者以爵酌清酒進初獻之右初獻跪祭酒卒爵奠爵執事者以俎進減神座前胙肉前脚第二節共置一俎上以授初獻初獻以授執事者初獻取爵遂飲卒爵執事者進受爵復於圻初獻興再拜贊者引初獻復位贊者曰再拜獻官以下皆再拜飲福受胙者不拜次引初獻以下就望瘞位廟令進神座前以俎載牲體並血黍稷飯詣壘坎以饌物置於坎東西廂各二人實土半坎贊者曰可瘞又曰禮畢遂引初獻官以下奉蠶冕服匣并敕命匣入殿內安置訖以出祝興執尊蠶篚霧者俱復位立定贊者曰其祝文曰蔚彼長林實再拜訖遂出祝版燔於齋所

壯天色廣袤百里惟神主之廟貌有嚴侯封是享歆時燭潔相厥滋榮是後週月七日上京幕官一員行

香著爲令

同上

貞獻郡王廟金明昌五年正月陳言者謂賈魯古新



二賢勅置女直文字乞各封贈名爵建立祠廟令女  
直漢人諸生隨拜孔子之後拜之有司謂貢舉難以  
致祭若金源郡貞獻王古新則旣已配享太廟矣亦  
難特立廟也有旨令再議之禮官言前代無勅置文  
字入孔子廟故事如於廟後或左右置祠令諸儒就  
拜亦無害也尙書省謂若如此恐不副國家厚功臣  
之意遂詔令依蒼頡立廟於盤屋例官爲立廟於上  
京納爾琿莊委本路官一員與本千戶春秋致祭所  
用諸物從宜給之

同上

永甯寺在今伯利下二千零二十里混同江東岸特

林地方西南距三姓三千五百餘里北距混同江口  
三百餘里明宣德八年太監亦失哈征服奴兒干及  
東海苦夷即今庫葉島奉勅建碑尙存別見金石門